



Universitätsbibliothek Paderborn

Monumenta Paderbornensia

Ferdinand <II., Paderborn, Bischof>

Francofurti ; Lipsiæ ; Norjbergæ, 1713

III. Religio Christiana Paderbornâ manavit in universam Westphaliam.
Bonae litterae in Westphalia ab initio comitatae religionem Christianam.

urn:nbn:de:hbz:466:1-29975

pientiae cultoribus non sit ornamento. Jam vero inter Westphaliæ Antistites Paderbornensem obtinere longè principem dignitatis gradum, nemo est qui ignoret, nisi qui in ratione Conciliorum Ecclesiasticorum, Conventuumque Imperialium, & omnis memoria vetustatis ruditis sit, atque peregrinus. Et erit quispiam qui miretur, in ea Urbe constitui primam Westphaliæ Academiam, in qua tot sacerulis sit Ecclesia Cathedralis, cui cæteræ & antiquitate, & opibus, & provinciarum amplitudine, clientelisque florentes non dubitent de honore concedere.

C A P U T III.

Religio Christiana Paderbornâ manavit in universam Westphaliam. Bonæ litteræ in Westphalia ab initio comitatæ religionem Christianam.

Deinde cui dubium est, quin Christiana religio Paderbornâ, velut à capite, in universam Westphaliam permanarit? Etenim gente universâ à Carolo Magno perdomitâ hîc prima Synodus est habita, in qua primoribus, magnâque populi multitudine baptismo lustratâ, salutares primùm rogatæ leges, & jura sancta sunt. Itaque vir eruditus, & pius, qui Arnulfi Cæsaris ætate studiis litterarum, & bellicis in Cosmod. at. 6. c. 38. Sanctimoniaz florebat, pulchrâ sanè imagine, Paderbornam eum locum esse scripsit, ubi duri ad eam diem, atque instar silicis indomiti Saxorum animi, ferro D. Caroli ieci, tandem in scintillam Christianæ fidei emicuerint. quæ scintilla in immensum postea crescens incendium, non Saxones modò omnes, sed Vandulos quoque, aliasque remotissimas gentes corripuerit. Unde idem existimat Paderbornensi Ecclesia rubram crucem pro insigni relictam esse, quod in ea primùm Saxones, & Westphali cruentis Caroli præliis compulsi, sub hoc CHRISTI signo militare coepissent. Quid tum postea? dicet quispiam. sit sanè Westphaliæ Religio primùm natu-

ta Pa-



ta Paderbornæ. num ideo Academiæ insignibus una digna-
est: non equidem id nunc pugno: sed tamen æquum esse cen-
so, ut qua ex Urbe tota olim Westphalia hausit Religionis ini-
tia, in ea ne ægrè ferat domicilium construi, unde omnium,
quæ quidem religioni ancillentur, artium ratio petatur. Equi-
dem ipsas artes existimo, si rogarentur qua in Urbe Westphaliæ
certam sibi sedem figi vellent, non aliam delecturas, atq; eam,
quam Religio, unde in omnes plagas se latè diffunderet, pri-
mam optaslet. Et enim illæ postquam unà cum Religione inde
ab ultima Britanìa in has oras navigarunt, omniumq; fuerunt
eius periculorum participes, tandem in hac Urbe unà cùm illa
primum stabile domicilium collocarunt. Constat enim san-
ctissimos illos viros, qui ex eadem prognati Saxonum gente, in
Britanìa, missam sibi Româ & fidei, & doctrinarum lucem hau-
serant, neutiquam confusisse, ut cognati Saxonæ & Westpha-
liæ populi alterutram ad se non importata m esse jure queri
possent. Sic enim viderant à suis illis in Britannia præstantissi-
mis magistris usurpari, ut arctissima semper retineretur inter
Religionem, Doctrinamque concordia. Cujus instituti præci-
puam sibi laudem vendicat Theodorus Archiepiscopus Do-
roverensis, qui natus Tharsi urbe Ciliciæ, à Vitaliano Papa in-
itiatus, in Britanniam venit anno C H R I S T I DCLXVIII. Is-
cùm sacris profanisque litteris esset insigniter eruditus, ha-
beretque suorum laborum socium, atque comitem Adria-
num Abbatem natione Afrum, virum item doctissimum, mi-
rificum studiorum ardorem in Britannia omnium animis in-
jecit. Audi enim quid de utroque narret venerabilis Beda.
Quia, inquit, litteris sacris, simul & secularibus, ut diximus, Lib. 4.
abundanter ambo erant instructi, congregatâ discipulorum
catervâ scientiæ salutaris quotidie flumina, irrigandis eorum
cordibus emanabant, ita ut etiam metricæ artus, Astronomi-
æ, & Arithmeticæ Ecclesiastice disciplinam, inter sacrorum
apicum volumina suis auditoribus contraderent. Indicio est,
quod usque hodie supersunt de eorum discipulis, qui Latinam
Græcamque linguam æquè ac propriam, in qua nati sunt, no-
runt.

Beda lib.
4. his litteris.

Lib. 4.
Bibl. Eccl.
Angl. c. 2.

runt. Neque unquam prorsus ex quo Britanniam petierunt Angli, feliora fuere tempora, dum et fortissimos Christianosque habentes Reges, cunctis barbaris nationibus essent terrori, et omnium vota ad nuper audita cœlestis regni gaudia penderent, et quicumque lectionibus sacris cuperent erudi-ri, haberent in promptu magistros qui docerent. Delestat me fateor, Princeps Illustrissime, haec sanctissimi, & eruditissimi Theodori memoria, vel eō, quod te iusdem auxiliarisissimi no- minis Praefulem, sentiam eandem temporum felicitatem Westphaliae conciliare conari. Quid enim aliud agis, quid moliris, nisi ut Respub. pacis otio, & tranquillitate aliquando redita, omni divinæ humanæque sapientiæ ubertate perfruatur? Hujus è Theodori ludo prodierunt viri illi sanctissimi Bonifacius, Suibertus, Ewaldi & alii, qui paullò post ejus excessum, ut hanc, vicinasque terras Christo subjungerent, indè sunt profecti. Non enim illi solam religionis, verum etiam omnis liberalis doctrinæ lucem se afferre profitebantur. Sed nimirum diu nimium nostrates utramque sunt aspernati: diu fru-stra stabilem in Westphalia sedem, & domicilium quæsierunt. Siquidem inter assiduos fremitus armorum, & rebellium bacchationes nusquam tutò tempora, nusquam Scholæ pone- bantur. Interea extra Westphaliam, qui è media patriæ ja- statione eripi poterant, sub idoneis magistris Westphali ado-lescentes Christianis moribus, & doctrinis utcumque tinge- bantur. Nam Trajecti ludus erat, quem D. Gregorius re-gebat, D. Bonifacii Martyris auditor. In eo S. Ludgerus, qui deinde primus Monasterii Antistes fuit, erudiebatur, & una

*S. Ludgerus in com-
mem. de SS. Boni-
facio, &
Gregorio.
Vide Ba-
ron. in
Mart. ad
eo. No. 6.*

cum eo, ut ipse loquitur, quidam de novella Dei plantatione diebus nostris inchoata Fresonum & Saxonum. Wirceburgi quoque D. Caroli voluntate duodecim nobilissimi adolescen-tes, D. Burckardi præceptis imbuebantur, è quibus duo primi Paderbornensis Ecclesiæ Praefules sunt electi. Quid quod ejusdem Imperatoris instituto Romæ ejusdem gentis quasi quoddam seminarium fuit, quod Schola Saxonum diceba- tur, non longè ab aede S. Petri, ut in ipsa quasi Catholicæ Re- ligio.

ligionis arce unā pietatem litterasque condiscerent? At verō postquam Magni Caroli invitā virtute in Paderbornensi Synodo totius Westphaliæ consensu CHRISTI fides suscepta est, noluit illa sine comitatu bonarum artium ac disciplinarum, quas constantissimas adversis suis rebus comites habuerat, patefactos jam sibi Westphaliæ fines ingredi. Idem igitur dies, eadem Synodus, eadem Paderborna omnium quæ deinde in Westphalia extiterunt, & templorum & Scholarum, uno eodemque decreto fundamenta posuit. Parne erat eam ejus boni expertem remanere, cuius ipsa cæteris uribus ac terris tamdiu frustra expetitam facultatem obtulerat? Potestne illa indigna videri, quæ omnium disciplinarum honestarum vocibus personet, in qua primum illa vox audita est consentientis conspirantisque Westphaliæ, ut armis positis, abjectâ impietate, exturbatâ barbariâ, pax, religio, humanitas, & humanitatis parentes bona litteræ colerentur?

C A P U T IV.

*Olim quoque & inferiores & sublimiores
doctrinæ Paderbornæ flo-
ruerunt.*

Vide, Princeps Illustrissime, quæ mens fuerit majorum tuorum, gravissimorum hujus Urbis Antistitum, quibus non mediocri studio fuit, in ea omnium artium studia nutrire, quibus salutaris fides propagatur atque defenditur. Intelligebant enim Westphalis usuvenisse, quod alibi confirmat Augustinus: *Multis, inquit, profuit (quod experimentis probavimus, & probamus) prius timore vel dolore cogi, ut postea possint doceri.* Igitur quo in loco, terrore armorum fortissimi Imperatoris compulsa Westphalia, Christiana sacra suscepserat, in eo providendum sibi putarunt, ne unquam deessent magistri exercitationesque doctrinarum. Quæ tametsi nullo fere tempore omnino jacuerunt, fuit tamen cùm eo ardore celebrarentur, ut præter hodiernum Academiæ

Ep. 20. ad
Bonif.